

այն մտանէր եւ ելանէր ի տուն կնոջն՝ եթէ ուղիղ մարդ էր: Եւ նոքա ասեն թէ Ազգ էր. եւ նա ասէ. Չեմ հաւատար այդմ խօսից, քանզի ի դուր ոչ եղեալ այդպէս. եթէ ունիցի հոռոմդ դուսար, որդի և կին՝ առնիցեն դատախազութիւն արեան առն որ սպանաւ, և թէ ոչ է դուսար, կին եւ որդի՝ եւ ոչ լինի պարտ ի վերայ սորա արիւնն նորա, քանզի կարծեմ թէ գինեվաճառ կինն սիրառն է սպանելոյն: Չայս ասացեալ եւ նա ի դուրս հանեալ զնոսա:

Բշի օրս (6 Յուլիս) ի մէջ Հօճա խանին ի ցերեկի օտա մի բացին հայոյ վաճառականի և գողացան զինչս ականց եւ այլ՝ մինչ ի Ռեճ մառչիւն¹⁾, եւ տէր ընչիցն գնացել ի վէզիրն եւ պատմել զեղեալն, եւ նա ետ հրաման հանգերձ չաւուչով զի գտցեն, եթէ ոչ բերցեն զնա առ նա. եւ բազում հնար արարեալ՝ ոչ հանեց գողն:

Դշի (8 Յուլիս). լըւեալ քաղաքս՝ ի սահմանս Սեաւ Ծովուն Ղազարն աւերեալ է մի երկու քաղաք:

Եւ Եշի (9 Յուլիս) առաւօտուս զայմախամն եւ աւմենայն մեծամեծքն խորհուրդ առեալ՝ թէ ս'րպէս արասցեն, քանզի ոչ կայր մի նաւ, այլ գնաւսն քարակրացն եւ զփօքր նաւսն որ ասի զայելս Ուսկիւտարու, նոքօք են եղեալ²⁾ զղօրուճի և օթուրախ և եամախ Բի:

Եւ վէզիրն ընդ նոսա գնաց առաւօտուս Չշի (10 Յուլիս), եւ երեկոյիս եկն. եւ իբրեւ³⁾ մօտ եղեւ ի դուռս խանին, արք եւ պանդուխտք խանին որ են վաճառականք, ի յոտս նորա անկեալք՝ ծանուցանելով զաղէտս իրացն որ եղեն ի գողոյն, եւ մինչ ի տունն ընդ նմա երթեալք: Եւ գնացեալ նորա նստաւ եւ արար զիւան. եւ տղայքն ասացին թէ Չմեզ ու-

1) մչին.

2) եղեա.

3) եղեւ.